

明季北略

明季北畧卷之六

錫山計六奇用賓編輯

崇禎三年庚午

誌異

正月辛巳朔京師大風。霾晝晦。

三月。威州自鳴。熒

惑入井。分退而復留。又入鬼宿。

五月二十二日辛

丑。海豐縣有石園數丈。高丈餘。忽移五十餘步。

晝晦異矣。元旦晝晦。尤異之甚。殆天地否塞之會乎。故首書之。

陝盜王子順苗美

正月陝西邊盜王子順苗美連逃兵衆至四千掠綏德南圍韓城總督楊鶴巡撫劉廣生擊敗之賊遁復犯清澗官兵追逐賊走西川先是萬厯時朝廷念西軍勞苦預給三月糧以爲常至是秦旱粟騰貴軍餉告匱往往譁潰亡命山谷遂倡飢民爲亂時東事益急廷議核兵餉各邊鎮成釐汰至數十萬乘亂兵多譟而下

秦寇入山西

三月秦寇入山西犯襄陵吉州太平曲沃 四月陷
蒲縣山西自河曲保興至蒲律于五百里賊目號曰
橫天一字王

賊陷河曲

十一月山西總兵王國樑追賊于河曲發西洋袍砲
炸兵自亂賊乘之遂陷河曲

賊陷黃甫川 秦寇

五月賊破金瑣關殺都司王廉 壬子王嘉允陷黃
甫川清水之營次日陷府谷縣復圍孤山堡榆林道

日貽清遣兵敗之遁入府谷縣延紱巡撫洪承疇等
國之斬獲甚衆。及九月三日己卯王嘉允勾西人入
掠洪承疇杜文煥從孤山進擊大破之賊佯乞降仍
奪路走。

白貽清號惠風常州人洪承疇字亨九閩人

楊鶴誤撫

都司艾穆蹙賊于延川清澗賊始求撫三邊總督楊
鶴及陝撫劉廣生各遣材官持牌四出招賊賊魁黃
虎小紅娘一丈青龍江水掠地虎郝小泉等俱給牌

免死安置延綏河西然賊降叛不常其衆僅不焚殺而姪掠如故罹毒益甚百姓不聲有司承撫臣意莫敢告而寇患成矣

楊鶴號無山湖廣武陵人

劉懋言秦寇

六月給事劉懋上言秦之流賊卽延慶之兵丁土賊也。邊賊倚土寇爲鄉導土寇倚邊賊爲羽翼始數不多至近年荒旱頻仍愚民影附賊勢始大。當事以不練之兵剿之不克。又議撫之其剿也所斬獲皆飢民

而真賊飽颺以去其撫也。非不稱降聚衆無食仍出劫掠名降而實非降也。

劇賊神一元

十二月己巳朔劇賊神一元等破新安縣。初九日丁丑破甯塞縣據其城。十三辛巳引西人四千騎入寇。陷樹澗及保安諸城。至明年正月副總兵張應昌擊敗之一元死。弟一魁領其衆。

徐孝婦剖肝進姑

李婦。湖廣漢陽人。幼字村民汪卷。卷固貧。實爲人傭。

母即老矣。婦歸卷書耕。暮織其事。姑鉏豚蔬菜。未嘗
匱乏。崇禎己巳庚午間。大饑疫。婦與卷乞食。食無從
乞。鬻身。身無從鬻。鄧且病垂絕。偶思猪肝。婦匍匐在
市。跪求屠者。屠不與。曰。旣無錢。勿望肝也。婦不得已。
泣歸。念猪肝不可得人。肝猪肝。味或同。萬一人肝可
醫我姑姑。生而我死。死何惜。遂夜半自引刀割其脅。
凡三割。肝不出。將更舉刀。忽見白衣姬。謂汝不得用
刀法。刀宜橫。不宜直。婦從之。奏刀砉然。肝果出。乃爲
湯以進。姑姑頓愈。當爲湯時。婦全不覺踰時。創甚。婦

昏瞶復見白衣姬者謂汝無慮。我起汝婦果霍然。越
數年姑壽終。婦砌上結草廬姑墓。一羹一茗必躬捧。
奠墓前。墓在山僻處。風雨晦冥。烟霧四塞。山鬼號呼。
蛇豕橫突。婦無懼意。自擔薪水爲常。或助以衣食。
謝不受。曰。勞苦凍餓。不過死耳。我自割肝時死矣。
爲姑活。今死墓早晚不論也。漢陽令楊四知稔其事。
奏記上臺爲請旌于朝。

余讀彤史遺編。見割耳斷臂。詎婦人無俠氣。然
池冰雪。或甘心伉儷。而未必矢念萱庭。號江負屍。

詎女子無孝行。然抱石懷沙。或結念毛裘。而未必
篤情姑嫜。刲股視髮。詎兒婦忘高堂。然毀容傷體。
或抱痛肢節。而未必盡闢生死。獨婦一念篤至。九
死不回。冒白刃而如雪。此剖心以同體。洵奇孝。亦
至孝也。可以得矣。

明季北畧卷之七

錫山計六奇用資編輯

崇禎四年辛未

黃道周疏

黃道周。號石齋。福建鎮海人。天啟壬戌進士。授庶吉士。歷侍讀學士。有遵旨。明切具奏疏。其畧曰。臣觀邇年以來。諸臣所目營心計。無一實爲朝廷者。其用人行事。不過推求報復而已。自庚午春月以來。盛談邊疆。實非爲陛下之邊疆。不過爲逆黨而翻邊疆。使諸

交鋤逆黨者無端而陷邊疆之內。至于邊疆之要塞。利害進退取舍。實無一言及之者。辛未春月而後盛言科場。實非爲陛下之科場。不過爲仇隙而翻科場。使諸素無仇隙者無端而陷科場之內。至于科場之源流清濁。屈折難易。實無一言及之。

又云。臣觀萬曆末年。林下諸臣如鄒元標。趙南星等。二十餘人。廢棄廿年。破成門戶之禍。今又無故取諸縉紳。稍有意識者。舉網投阱。而緩急何所得。半土之資。凡絕餌而去者。必非鱸魚。懸棧而來者。必非駿馬。

以利祿染士。則所參者必市利之臣。以筆墨驅人。則就驅者必驚駭之骨。今諸臣之才具心術。陛下備知之矣。知其爲小人。而又以小人竊之。則小人之焰益張。知其爲君子。而又以小人參之。則君子之功不立。天下總此人材。不在廊廟。必在林藪。臣所嘗知識者。有和州馬如蛟。公安毛羽捷。聞喜任贊化。皆倜儻有氣骨。則皆蒙譴去矣。所習聞者。青澗惠世揚。吉水李邦華。百鍊餘鋼。名滿天下。臣又未嘗領其手采。鄖陵梁廷棟。膽決機警。筆力方新。自富需爲異日之用。其

在仕籍者有新建徐良彥爲南大理卿。豫章曾櫻爲
福建叅政。金華朱大典爲天津兵備。紹興陸夢龍爲
藩司。起復武進鄒嘉生爲陝西叅藩。皆卓犖偉使
當一面。必有可觀。陛下必欲振作人材。當敦尙風節。
表章仁義。勿使猥瑣小人。挫辱文章。廉隅之士。昔太
祖品隲人材。以執古而不知變者爲最下。蓋指諸庸
碌學究而言。非謂崇尙聖賢規模先正之士也。

鄒元標號南阜。江西吉水人。萬厯丁丑進士。疏張
居正奪情上怒。杖一百。謫貴州衛。已而擢給事中。

許時去天啟改元起刑部侍郎陞都御史與焉從
吾建首善書院科臣朱童蒙等疏之元標乞休去
魏璫矯制削職居無何卒崇禎初贈太子太保諡
忠介趙南星字夢白號儕鶴直隸商邑人萬曆
甲戌進士張居正沒起歷文選考功癸巳至大計
時靜坐篝燈精心參酌有蟲巢于耳爾成而不自
覺光宗立累遷司空晉冢宰與魏廣微崔呈秀不
合乃歸已而行撫按鞫訊坐贖一萬五千請戍代
州年餘思廟立賜赦撫臣牟志夔留滯踰三月卒

戊所戊辰。贈太子太保。諡忠毅。任贊化。字參之。聞喜人。天啟壬戌進士。戊辰選貴州御史。疏劾溫體仁。居鄉居官。種種不法。廷辯侃侃。工怒。謫河南布政司。昭磨果。遷陝西參政。歸卒于家。

十一月。時黃道周以劾錢龍錫謫外。中允倪元璐上言。黃道周既以蹇諤承貶。劉宗周又以骯髒投間。天下本無人。得其人。又不能用。誰爲陛下奮其忠良者。上不聽。

吳執御論周廷儒

八月御史吳執御諭周延儒攬權壅蔽私其鄉人塘報章奏一字涉邊疆盜賊輒借軍機密封下部明晨廷臣摘發短長他日敗可以捷聞功可以罪案也皇上見延儒摘發細事近于明敏抑知特借此以行其私耳。土切責之。執御疏凡三上。俱留中。

張彝憲總理錢糧

九月命太監張彝憲總理戶工二部錢糧。初上既罷諸內臣外事悉委督撫。然上英察輒以法隨之多不稱任使。二年大清兵南下京師戒嚴乃復以內臣

視行營。自是御憲四出。動以上官威倨加于庶司。羣相壅蔽矣。

吳姓賑撫

正月己亥。命御史吳姓。資金賑陝西飢荒。招撫流賊。諭曰。陝西屢報飢荒。小民失業。甚者迫而從賊。自罹鋒刃。誰非赤子。顛連若斯。今特發十萬金。命御史前去。的被災處。次第賑給。仍曉諭愚民。卽或脅入賊黨。若肯歸正。卽爲良民。嘉與維新。一體收恤。四月。吳姓西行至延長。寇聚城下。諭以禍福。分賑之賊各解散。

游賊間之皆同受賕撫賊七千有奇

楊鶴受降

二月賊圍慶陽。總督楊鶴在邠乾。不卽援。及三月張應昌等始援之。賊圍解。初九日癸未。賊帥孫繼業等來降。鶴受之。四月十六日己未。賊帥一魁降。于鶴鶴責數其罪。俱伏謝。一魁有戰騎五千。鶴修其事。土官乞賜一二萬金賑濟。又上巡撫練國事。北征商維賊亦求撫于國事。從之。二月廿七日庚子。賊滿天星降于鶴。鶴選其驍勇置營中。散其黨萬二千人。卽命其

魁分勅回籍未數月皆畔去二十九壬寅賊自合水保安逃出攻中部降丁內應城降七月賊首上天龍馬老虎獨行狼復掠鄜州鶴與王承恩等擊破之上天龍以二千人降給事中孟國祥曹履泰各奏撫賊欺飾之弊是月癸未逮鶴下刑部獄論戊以主撫被欺也初土以鶴力主撫議縱賊殃民實爲首禍必欲誅之緣欲用其子嗣昌故貫其死八月神一魁復叛據甯塞官兵攻圍之其黨黃友才斬一魁以獻未幾友才復叛而遁

賊分三十六營

先是三年正月。賊帥王嘉允。陷府谷縣。四年正月十六日。庚寅。又掠華園溝。副總兵曹文詔擊却之。及六月朔癸卯。文詔擊斬嘉允于陽城。其黨復推王自用爲首。號曰紫金梁。其黨自相名。有老回回。八金剛。閻王。閻將。八大王。掃地王。闖塌天。破甲錐。那紅娘。亂世王。混天王。顯道神。鄉里人。滿地草。等分爲三十六營。

洪承疇巡撫延綏

洪承疇。字亨九。福建泉州府晉江縣人。萬曆丙辰進

士年二十三。督學浙江。擢陝西參政。庚午。巡撫延綏。辛未。四月二十四日。丁卯。承疇令守備賈人龍。勞降者。酒降者。入謝。伏兵斬三百二十人。

降賊不沾泥。擁衆脅賞。復攻米脂。總兵王承恩。侯供極率兵至葭州。承疇與副總張應昌亦至。連戰始遁。追至西川。斬三百餘級。賊溺死無算。不沾泥懼。率百騎逃閩山嶺。都司馬科等追之。盡殲其騎。不沾泥乃降。殺賊目雙超虎。縛梁金龍以自贖。

七月十五日。丁亥。曹文詔合督撫四鎮之兵。擊賊連

敗之。賊奔東北。延安。慶安。千里內暫安。

山西寶莊

七月二十二日甲午。賊趙四兒率六千餘人。東渡山西。入沁水縣。縣東北有寶莊。係故忠烈銓里居。先是銓父尙書五典。謂海內將亂。築墻爲堡甚堅。至是賊犯寶莊。五典銓已死。銓子道濬。道澤俱官京師。惟銓妻霍氏守舍。衆議棄堡避去。霍氏語其少子道陰曰。避賊而出。家不保。出而遇賊。身更不免。等死耳。死于家。不猶愈死于野乎。且我堅守。賊必不得志。乃躬率

僮僕爲守禦。賊至環攻之。堡中矢石並發。賊傷甚衆。越四日乃退。其避山谷者多。遇賊姪殺。惟張氏宗族得全。冀北兵備王肇生表其堡曰夫人城。

洪承疇擒趙四兒

八月初二日癸卯。總兵賀虎臣擊斬賊首劉六等。西路漸平。壬辰命洪承疇總督陝西三邊。張福臻巡撫延綏。承疇擊賊趙四兒擒之。趙四兒一名點燈子。起青澗。綏德。奔突延西間。往來秦晉。沿河郡縣多苦之。至是伏誅。平陽稍安。其黨黑煞神起。又有過天星。

蝎子塊等。與中部官軍攻圍兩月不下。十月曹文詔及張福臻兵具至克之。

吳桂奏官賊之謠

先是陝西巡撫李應期言。秦賊旋撫旋叛。上命吳桂確查。至是桂報聞曰。延慶地亘數千里。土瘠民窮。連歲旱荒。盜賊蜂起。脇從甚衆。幾于無民。近安軍南剿。賊望風潛逃。相繼招安。滿天星降于榆林。餘賊遂徙而北。降者雖散回原籍。仍復劫掠。于是有官賊之謠。而人人致恨于招撫之失事。點燈子衆五六千在青

澗旋撫旋叛慶陽施臨庵劉六等亦嘗受撫今攻陷中部者皆其眾也又降賊獨頭虎見大兵之來已出韓城潼關道臣胡其後猶追送贖錢九十萬賊復橫索一一給之惟謹要挾重貨之說有自來矣爲今之計集兵合剿殲其渠而餘眾自破明賞罰而士氣自鼓秦事猶可爲也

上書撫趙四兒劉六而此秦其覆叛者益疏出而賊擒也

趙大充斬婦人首

賊獨頭虎五部恣掠副總兵趙大允在韓城去賊營二十里不敢出戰。士人強之出報斬五千級。驗之則率婦人首也。給事魏呈潤劾大允落職。

譚雄陷安寨

十月陝西賊陷宜川。十一月初七日丙子。陝賊譚雄陷安寨。襲掠一空。仍乞撫。閏十一月王承恩斬之。

混天猴陷甘泉

初六月二十三日辛酉。鄜州賊混天猴等謀襲靖邊。張應昌敗之。二十五癸亥。混天猴獨行狼等自甘泉。

犯合水。承嘯率兵擊大敗之。混天猴等乞降。至十一月。混天猴勾盜陷甘泉。劫餉銀十萬八千兩而還。縣郭永圖。河西兵備張允登戰死。十二月。陷宜君。又陷葭州。兵備僉事郭景嵩死之。二十六日甲午。甯遠總兵孫顯與賊六戰俱捷。

張獻忠起

獻忠。榆林人。幼有奇力。兩眉竦豎而長。面有微麻。偏體生毛。天性好殺。不耐久靜。初從塾師與同舍生江一。撲殺之。家貲數千金。一時俱盡。父大怒逐之。飄

泊異鄉。或異其貌。問之。知文而勇。收以爲子。與之遊。
師復與同學者爭。更毆死兩生。逸去。聞老回回馬守
應等起兵。遂往投軍。守應一見奇之。初爲小卒。號爲
黃虎。已而屢立戰功。有黨五百人。陝撫猶輕之。曰。此
小賤耳。不足煩大兵。俄聚徒千人。後遂有衆。由是橫
不可制矣。十三寨賊目以強暴。屢奪寶物。與之相軋。
獻忠亦不欲受制于人。卽分兵立營。自爲一軍。號西
營八大王。屢破郡邑。及崇禎四年十月。率衆一千人
就撫于總督洪承疇。至次年三月復叛去。

大清兵入塞

六月。大清兵大舉圍大凌河城。巡撫丘禾嘉遇于長山敗績。

詭異

三月初八日壬午。大風霾。五月。大同宣垣等縣雨雹。大如卧牛。如石且徑丈。小如拳。斃人畜甚衆。六月初八日庚戌。臨縣縣雷風。忽風霾傾樓拔木。磚瓦磁器翔空落地無恙。鐵者皆碎。山東徐州大水。霾風而雨。土也晦者如物塵晦之色也。雹雨水也。

盛陽雨水溫暖。陰氣勝之。不相入。則轉而爲雹。夏
程雨雹。總是陰晦慘寒之象。而雹大且徑六。尤史
書不經見者。至于礲瓦無恙。鐵者皆碎。則又屈子
所云黃鐘毀棄。瓦釜雷鳴之謂也。天蓋明示以玉
碎瓦全之意乎。是時賤者得志。貴者淪亡。尤于此
矣。予每于卷末以誌異附之者。知天變人亂。亦會
當劫運耳。

張真人請雪

是歲六月。真人在京師。上欲試其術。使之請雪。真人

遂于初七日登壇祈請令諸法官作事及十二日雪
果下。凡求五日也。庚戌九月十九日江
西法師董言元施

明季北畧卷之八

錫山計六奇用資編輯

崇禎五年壬申

元旦異雪

元旦雪積旬厚至四五尺。飛簷選閣有巨人面形。鬚眉畢具。及人馬交馳跡。識者占兵戈之象焉。出邑錄

賊流秦晉

正月朔己亥。大風霾。延綏賊偽米商入宜君縣。陷之。復陷保安。合水。流入山西者。陷蒲州。永甯。大掠四出。

山西巡按羅世錦歸咎于秦。謂以鄰爲堅。給事中裴君錫。晉人也。上言。請責成秦之撫鎮。驅之回秦。而後再議剿撫當事。無議如此。

昔米元章爲令邑有蝗。百姓驅之出境。隣令怒其害已。元章移牒戲曰。敝邑旣能驅去。貴縣何不驅來。讀之噴飯。世錦之愚與鄰令何異。王新建旣擒甯王。苗武宗始至。羣小倖功。欲縱之復戰。是以兵爲戲矣。君錫之見亦猶是也。謀國如此。賊安得不恣乎。

洪曹破賊

正月洪承疇曹文詔擊敗賊于埋安堡郝臨菴可天
飛爲官軍所敗。獨行狼逃入其伍。耕牧鐵角城爲持
久計。承疇文詔擊破之。斬可天飛。其二賊亦生得就
誅。文詔忠勇善戰。承疇與下同甘苦。得士卒心。轉戰
四載。斬級三萬。西人稍稍休息。然亦憊甚矣。

西澳之捷

正月甯塞逸賊。合環慶諸寇屯鎮原之蒲河。欲犯平
原。走鳳翔。漢中。陝撫練國事總兵董志義遣兵各守

要害。賊遂不敢出。既而洪承疇從鄜州間道至曹文詔以臨洮兵至賀虎臣兵亦至。會于西澳。各夾擊賊。大小十餘戰。追奔數十里。斬首千餘級。傷陞無筭。而甯塞之寇息矣。惟渾天猴等尙據襄樂。練國事遂移鎮甯州。時以西澳之捷爲用兵來第一。

馬鳴世論三秦

正月陝西原任通政使馬鳴世上言。三秦爲海內上游。延安慶陽爲關中屏障。榆林又爲延慶屏障。無榆林必無延慶。無延慶必無關中矣。乃自盜發以來。破

城屠野四載于茲。良以盜衆我寡。盜飽我飢。內鮮及時之餉。外乏應手之援。揆厥所由。緣廟堂之上。以延慶視延慶。未嘗以全秦視延慶。以秦視秦。未嘗以天下安危視秦。而且誤視此流賊爲飢民。至今勢焰燎原。莫可撲滅。若非亟增大兵。措大餉。爲一勞永逸之計。恐官軍驚于東。賊馳于西。師老財匱。揭竿莫禦。天下事尙忍言哉。

後十年自成定三秦。蹂燕趙。而天下隨之。馬生之言。若操左券。

鳴。鳴。世。號。岫。旭。武。功。人。萬。感。丙。辰。進。士。除。洪。洞。知。縣。清。廉。慈。惠。士。民。尸。祝。之。以。治。行。高。等。徵。拜。御。史。不。啟。甲。子。巡。按。山。東。再。視。京。營。以。忤。璫。削。職。歸。崇。禎。戊。辰。起。原。官。疏。論。冢。臣。王。永。光。爲。逆。璫。餘。孽。薦。用。高。捷。史。堃。兩。邪。臣。夫。堃。捷。爲。霍。維。華。等。逆。黨。云。云。尋。陞。順。天。府。丞。遷。通。政。王。申。陞。操。江。副。都。御。史。乙。亥。陞。右。都。御。史。歸。里。居。久。之。卒。

高迎祥諸賊

二月甯塞通賊復熾二十二日庚寅賊夜入鄆州兵

備僉事郭應起死之。三月二十有五日壬戌陝賊陷莘亭。知縣徐兆麒任纔七日。逮至竟坐案市上。頗心惻溫體仁不爲救。人皆冤之。四月湖廣流寇自興國入江西。孫和吉安等處張獻忠復隨賊首高迎祥王自用等寇山西諸郡縣。七月山西賊陷大同。八月曹文詔擊賊甘泉敗之。九月山西賊破岢嵐縣。賊魁豹五等據其城。又陷修武。殺知縣劉鳳翔。掠掠武涉暉縣。遂圍懷慶。上以藩封重地。切實河南巡撫樊尙燦殺賊自贖。十月詔副總兵左良玉將兵

二千五百人援懷慶

高宏圖削籍

三月工部右侍郎高宏圖上言。臣部有公署。中則尙書旁列侍郎。禮也。內臣張彝憲奉總理兩部之命。儼臨其上。不亦辱朝廷而褻國體乎。臣之爲侍郎也。貳尙書。非貳內臣也。國家大體。不容不慎。故僅以川堂相賓主。而公座毋甯已之。雖大拂彝憲意。臣不顧也。且總理公署。奉命別建。則在臣部者。宜還之臣部。豈不名正言順。而內外平。早以軍興餉事重。應到部驗。

核不聽宏圖遂引疾求去疏七上竟_{刑籍}
七月以司禮監太監曹化淳提督京營

周鑑論用內臣

十二月南禮主事周鑑上言內臣用易而去難此從來之通患。然不能遽去。猶冀有以裁抑之。今張彝憲用而高宏圖之骨鯁不可容矣。金鉉之撫廬雖幸免罪。以他事中之矣。王坤用而魏呈潤以救胡良機處矣。趙良曦以直糾扶同處矣。鄧希詔用而曹文衡以五結投間矣。王宏祖以禮數苛斥矣。若夫孫肇興之

明三才卷之六
三
傲直李曰輔熊開元之慨慷無不罷斥尤可歎者每
讀邸報半屬內侍之溫綸從此以後草菅臣子殘戮
天言祗狗中貴之心將不知所極矣上怒其切直削
籍禮部員外郎袁維咸疏救之不聽
以司禮監右少監劉芳譽提督九門

皇子生

四月庚辰皇三子慈烱生。九年八月皇五子慈
生十二年三月皇子慈煥生。十三年八月辛亥皇
七子慈炤生十五年三月封承王。

孔有德陷登州

初崇禎四年六月乙酉孔有德攻青州。庚寅攻登州。五年正月初二日庚子。張可大令副總兵張壽等與有德戰。壽兵忽戴紅巾反。兵擊諸軍。可大兵殲焉。并擊陳良謨等死之。初三日辛丑。登州城陷。十三日辛亥。有德破黃縣。十七日乙卯。以徐從治巡撫山東。謝璉巡撫登萊。四月十七日癸未。有德攻巢城。徐從治砲傷卒。六月癸卯。有德殺萊州知府朱萬年。九月十四日乙酉。有德復入登州城。官軍圍之。十一月。有德

出戰敗走十二月初三日丙寅有德航海至黃縣及
明年四月自益州歸于大清

賊首名號

是歲登萊兵變。因調關甯兵馬步二萬討平之。朝議
欲乘戰勝。精甲渡河。進剿兵部尚書張鳳翼。家本山
西。慮其驅賊入晉也。阻之。盡放連兵出關。賊遂得渡
河而南。因入豫入楚入安。盧賊首之有名號者。在秦
則稱紫金梁王。和尚滿天星。蝎子塊。老回回。一字王。
劉小山。邢官隊。領兵王。整齊王。關場王。劉姓。過天星。

張五

南營八大王八爪龍。

余姓

西營八大王。

張獻忠

二隊八大王。不沾泥。混世王。曹操亂世王。八隊闖將。

張姓

張飛九條龍。五條龍。賀雙全。高總管等二十四。

家晉豫則稱英王。王鎮虎。宋溫趙合軍。曹操過天星。

更計郝光混天星。荆聯子過江王。混世王大膽王。征。

西王福壽王。齊天王。密靈王。閻和尚。老回回。上天龍。

出獵雁黑心虎。攬山虎。新一字王。西營八大王。南營。

八大王。北營八大王。混天王。紫金梁。上天王。領兵王。

閻王。老邪。四隊六隊八隊。闖場天。順義王等三十二。

營各擁衆數萬少者萬計蹂躪直省無虛日時李自成方依閩王高氏與劉良佐自結一隊號閩王名不大著。

百官進馬

十二月令百官進馬三品以上各貢一匹餘各進俱納于御馬監實賣金買之本監也否則雖駸驥亦却之。

誌異

四月三十日丁酉夜江甯地震。九月西安驟雨穀

其粒長于常稍差黝黑 十二月二十五日黎明無
錫白霧蔽空飛雪如霰着樹木悉成花朵及環珞刀
劍之狀。

明季北畧卷之九

錫山計六奇用寶編輯

崇禎六年癸酉

周延儒罷相

先是元年三月周延儒爲禮部右侍郎二年十二
入閣辦事至是正月爲宣府閱視太監王坤所劾
上疏乞罷不允左副都御史王志道言王坤內臣
不宜侵輔臣上詔郡臣于平臺謂志道曰遣用內臣
原非得已朕言甚明何議論之多也昨王坤之疏朕

臣責其誣妄。乃廷臣舉劾。莫不牽引內臣。豈處分各
官皆爲內臣耶。志道奏曰。王坤直劾輔臣。與朝。皇。皇。
滿。紀綱法度之憂。臣爲法度惜。非爲諸臣地也。上曰。
廷臣於國家大計。不之言。惟因內臣在。與不利。奸。倖。
乃借王坤疏。要挾朝廷。誠巧佞也。因詰志道者。再延
儒曰。志道非專論內臣。實責臣等溺職。上色稍霽。曰。
職掌不修。沽名立論。何堪憲紀。立命志道退。延儒遂
放歸。

知推官員

二月諭吏部舉潛脩之士。科道不必專出。考選館員。須先歷知推垂爲法。

先是館員多選庶吉士。至是以時方多故。欲知郡邑利弊。而重知推。亦時事之一變也。

內官監紀

五月諭兵部。流寇蔓延各路。兵將功罪。應有監紀。時命太監陳大金。問思印。謝文舉。孫茂霖。爲內中軍會。各撫道分入。曹文詔。左良玉。諸營紀功過。催糧餉。仍發內帑四萬金。素紅蟒段四百匹。紅素千匹。軍前給。

賞

用內官爲監紀。卽唐之魚朝恩觀軍容使也。其失甚矣。嗚乎。朝廷雖乏人。奈何使刑餘之人。與知軍國重事哉。

山西號

三月十五日丙午。山西兵擊賊于陽城北。時張道濬得罪家居。設伏于三緹。回賊至。伏起。生擒滿天星。巡撫許門臣獻俘闕下。奏道濬功第一。四月五日丙寅。賊陷平順。二十四日乙酉。曹文詔敗賊于陽城。五月

二十九日庚申文詔襲賊于偏店賊盡南奔諸將會
兵逐之奪馬騾數千賊自邯鄲南走六月賊陷河順
七月六日丙申陷樂平十一日辛丑陷永和旋陷沁
水十月賊至甯晉尋據五臺山其中薪儲皆具險阻
足守官兵不敢擊

河南諸賊

賊在河南沿山州縣無處不到正月十五日丁未左
良玉敗賊于涉縣之西斬其渠賊望其旂幟皆靡然
賊勢尙熾謀犯河南副將芮琦戰死武安二月賊陷

林縣山中仇民相望而起。良玉敗績于武安。兵七千
先後失亡殆盡。中軍曹鳴鵠陷沒。趙塞河南賊益熾。
長驅保定。兵備虛象。昇禦却之。三月。詔總兵鄧玘將
川兵二千益以土司馬鳳儀兵。馳赴河南。未幾。鳳儀
敗。及賊入清化。游擊越效忠登屋擊賊。墮地死。游擊
陶希謙在武安出禦。賊會日暮移營。賊乘之。落懸死。
左良玉馳救清化。賊方去。後馳武安。勝之于三井。獲
賊首小秦王曹文詔。自晉來援。涉勝于毛嶺。四月。河
西賊自輝縣入清化鎮。所在守將敗。又部臣以河東

不塞太行之險。揖盜使入。撫臣不得無罪。五月。河北賊陷涉縣。賊盡至磁州。衆十餘萬。長可五六十里。兵鄧超與良玉會兵彭城尾至林縣之清池柳泉。擊敗之。殲其尖騎九天聖等八十一人。其分股犯衛輝者。巡撫元嘿自乘城以却之。六月。川兵潰于林縣。潞王告急。辛酉。左良玉破賊于懷慶。賊盡奔太行山。泰將湯九州領昌平兵至豫。時賊爲鄧左周爾敬三家兵所追。方從林走輝。九州自涉來林。聞賊之中堅勝于馬鞍山。斬賊首混天王。賊從林奔懷濟。鄧左追擊。

大敗之。賊奔潰沿河從溫孟至武涉。遂入山復回林縣。時湯九州駐兵水治居安林磁武四邑之要路。七月賊屯彰德。復以間思印同總兵張應昌合剿。分陽知縣費甲鏢以供應。逼迫投井死。八月有陽邑鎮科泉清涼山。九龍山。王凱塞原康村。湖南七捷。斬獲賊目混天猴等。湯九州功居多。左良玉有河村柿黃山。入侍三捷。俘斬新立一字王。殺盡王等。虜爾敬有都里馬鞍山二捷。是月京營副將王樸以禁旅六千至彰德。九月有原康督底涉縣三捷。斬獲飛天聖等兵。

勢大振。賊棄妻子走北。奔五臺山。旣而復回京營。尾
于後。湯左扼于前。京營勝之于亢侯石坡。牛尾湯兵
勝之于青店沙岡。賊勢窮迫。十一月賀正。至新虎等
因京營乞降。然焚掠如故。湯九州在林縣連戰三日。
勝于兩全口。再勝于安陽夏村。又勝于旁坐寨清涼
山。其擒斬四百餘級。左良玉又勝之。斬二百級。晉兵
曹變蛟亦勝之于涉縣。守備許志忠、孔道興等併力
進剿。賊前隊已連夜走濟源垣。曲遂以二十四日乘
冰渡河而南。二十六日破澗池。十二月朔己未。破伊

陽初二庚申。又破盧氏。賊渡河後。殺掠更慘。初止左
帥一軍尾後。雖有盧氏銀洞溝。刀環川柳泉之捷。而
賊衆四掠。維陽新安。陝州靈寶。閿鄉。盧氏。永甯。汝州。
魯山。葉縣。舞陽。遂平。確山。信陽。南陽。裕州。泌陽。桐柏。
浙川。新野。內鄉。等州縣。賊無不至。十二月十九日。賊
至鄆城。勢逼開歸。會日暮雨雪。巡撫元嘿起湯九州
于床。日事急矣。宜乘夜襲之。卽晚勝之于吳城鎮。追
殺六十里。殺賊盈野。斬四百餘級。明日又追及于橫
山鎮。斬六百餘級。皆殺賊強壯。二十日左帥有保安

之捷。有趙左之捷。又有平上關黑山之捷。至七年甲戌正月初一日。巡按劉令譽督京營有牛蹄澤之捷。出其不意。斬級踰千。得此三路大捷。賊始狼狽走楚河南。乃寧。蓋賊最畏曹文詔。其標將曹變蛟更驍勇。時爲之謠曰。軍中有一曹。流賊聞之心膽掠。次左良玉湯九州。若京營兵。賊甚輕之。

是年三月。蜀賊寇百丈關。官軍敗沒。九月己亥。張應昌敗賊于平山。獲賊首張有義。卽一盞燈也。

賊犯湖廣

十二月二十二日庚申賊假進香客犯鄖西二十五日癸巳陷上津。

鄧祖禹罵賊

鄧祖禹字又元湖廣蘄水人。習騎射。中萬厯己未武進士。選瀋陽守備。未幾。大清兵至。祖禹入陣多格殺。中矢墜地將死。夜半乃甦。呼城入。負矢如蠅。創甚。遂告歸。尋起宣府守備。崇禎初。京城困。申甫全軍皆沒。祖禹提兵過于蘆溝橋。殊死戰。勢稍卻。晉涿州副總兵。流賊亂。移鎮黃德。尋守孝感。忽報應城破。巡撫

檄往援。所携止七百人。比至寂然。甫入城。相度賊四面掩至。圍數重。祖禹破圍退保西門外。顧左右曰。吾受國厚恩。誼當血戰以報皇上。突圍得出幸也。不則以死繼之。復何言。圍堅不得出。遂被執。賊素敬祖禹。解其縛。治酒安上坐。且羅拜曰。須公爲我作一主盟。祖禹曰。朝廷福大。諸賊何能如此。賊請之至再。祖禹罵益厲曰。若此須換卻心肝。張獻忠怒曰。換卻汝心肝亦不難也。遂呼衆曳出。縛大樹上。剖心剝肝殺之。

附記

高迎祥距楚九十里安營。楚都督鄧祖禹率總兵張全目副將楊世恩先鋒鄧天河。叅將李文雲。游擊朱世盛。坐營王可貞。把總鄭新泰。千戶金得功。百戶馮迎勝。哨可畢烈英等。以五千人進追殺二十里。迎祥將遁。馬守應曰。再戰不勝。走未晚也。遂率衆與鄧天河戰。守應被殺。走天河。傳令發七砲。擊傷甚衆。驅兵追逐迎祥。大懼。羅汝才舉力砍天河。天河挺鎗迎戰。汝才佯走。天河逐之。汝才密取箭射中眉心。天河墜馬。被賊斬首去。祖禹歎曰。吾子勇冠三軍。今乃爲國

傾生惜哉。復督張全昌進兵。止千人與賊將過天曉。遇卽敗。更遣楊世恩統兵禦之。不戰而走。爲滿天星追獲而降。祖禹怒親率衆出。忽風雪大作。士卒寒慄。火藥盡濕。祖禹仰首歎曰。天何困英雄若此。遂冒雪突前。混世王被鐵簡擊回。劉國能劖傷左足而敗。整世王復擊背走。迎祥大駭。悉衆出戰。遂謂祖禹曰。倘將軍不鄙。願求爲帥。幸尊裁之。祖禹大怒曰。逆天叛賊。敢胡論耶。吾忠心報國。特來剿汝。于是朱世盛李文雲七將出戰。賊營混天王掃地王等九人圍之。持

戰良久賊衆突進。入將被擒。迎祥親釋祖禹。縛羅拜。曰。誤犯尊顏。望乞恕罪。願將軍爲總主。萬勿過辭。祖禹罵曰。吾赤心報國。忠臣豈負聖主。投賊乎。迎祥再三諭之。祖禹罵不絕口。迎祥大怒。叱左右縛之。且曰。取地心來看。果赤否。祖禹出歎曰。妻子已矣。所恨老母不自見耳。然自古忠臣爲國忘家。求真不如此。予亦何憾。須天剖心。獻上迎祥。見不亦歎曰。眞忠臣也。命逮之。餘七將俱被殺。上衆悉降。收總兵汪見國擒德安府應城縣令張紹登。紹登子指賊大罵。賊怒磔之。

一時義焉。既殺紹登。縱兵肆掠。

前出正錄謂獻忠而剖心則一。况張高俱賊魁也。

陳奇瑜威著關陝

八月二十八日丁亥。陝西敗攻隆德。殺知縣曹彥芳。
分守固原參政陸夢龍戰于綏德城下死之。十二
月二十七日丙戌。賊陷鎮安。時秦賊既盡入晉流竄。
幾轉河南至數十萬。而延綏賊首鑽天哨開山谷。猶
據永甯關前阻山險。下臨黃河。負固數年不下。延綏
巡撫陳奇瑜謀取之。乃陽傳總制檄發兵。簡衆七千。

人抵延州。因潛師疾走入山。賊不虞。大兵至。倉皇潰。遂焚其巢。縱擊斬首千六百級。二賊死。分兵擊賊首一座。城斬之。延水賊悉平。奇瑜威名著開陝。

誌異

正月初癸巳。大風霾。日生兩珥。二月癸亥朔。建昌軍家生豕。一首三身。八蹄二尾。六月河南大旱。客縣民婦生旱魃。澆之乃雨。八月。襄城縣莎雞數萬。自西北來。莎雞固沙漠產。今飛入塞內。古者以爲兵兆。十一月初八日甲辰。洮州衛地震。二十四日壬

子定遠堡龍洞內銅鼓有聲。甲寅又有聲。先年奢宣敗聲聞三日。崇禎二年有聲。東兵犯永。是歲陝西山西大饑。

六月二十四日大風。下午益烈。雨五六寸。水頓長三四尺。牆壁多倒。有壓死者。風聲如雷。大楊盡拔。門首橋板重三四百觔。飛起落河中。凡異風猛雨一晝夜。次日黎明始息。天色陰慘。子過橋南。見鵲多死。田塍下江湖河海間人死無筭。靖江夜半江水泛溢入城。陷半壁。甘五辰時方退。城外人多死。通州瓜州等處。

皆淹自南都下至杭州。雖或無雨之處。而風俱甚大。
六合縣無雨。而水亦長五六尺。松栢多拔。時子年十
二。從家孟伯雄讀書廳左。聞風聲刮烈。頗恒先君子
歎曰。歲其歉乎。

昔康節先生于河南府天淶橋。聞杜鵑聲。卽知南
人作相。禽鳥固得氣之先者。今襄城爲開封屬邑。
而莎雞飛入地氣自東而南矣。殆大清得中國
之徵乎。當不止兵焉已也。